

KONTROL MOZIOA

SINDIKATUEK “Donostiako Turismo Uholde Handiko Eremua” GAIARI BURUZ IRITZIA EMATEKO ESKUBIDEA DELA ETA

Amaia Almirall Lopez de Luzuriaga EH BILDU udal taldeko bozeramaileak, Udaltzaren Organo Araudiko 98. artikulua oinarri, mozio hau aurkezten du, Udaltzaren azter dadin. Mozioa 2016ko urriaren 17an, Zerbitzu Orokorretako Batzordean aztertutako interpelazioaren ondorioa da.

JUSTIFIKAZIOA

Hiritarren Parte Hartzearen Araudi Organikoak 18. artikuluan dio donostiar zein elkarteek aukera dutela Udalarri zuzendutako eskaerak edo kexak dagokion batzorde edo udalbatzarrean ahoz azaltzeko.

2016ko uztailaren 26an, ELA, LAB, CCOO eta UGT sindikatuen ordezkariak Udal Gobernuari eta talde politikoei zuzendutako eskaera erregistratu zuten urriko udalbatzarreko galdera-eskarien txandan Donostiako Turismo Uholde Handiko Eremuaren inguruko beren proposamena azaltzeko. Inongo erantzunik jaso ez zuten, iraileko batzordeetan talde honek gaiak itaundu zuen eta, harriduraz, Udal Gobernutik jaso genuen azalpena: Udal Gobernuak ez zituen eginiko galderak erantzuten, bestelako asmoren berri emanez. Hain zuzen ere erantzun ezak motibatu zuen 2016ko irailaren 28an lau sindikatuek erregistroz azaroko batzorde eta udalbatzarrean hitza hartzea berretsi behar izatea.

2016ko urriaren 14ean, herri-partaidetzako zinegotzi ordezkariak erantzun zien, ordea, hobeto ikusten zuela sindikatuen eskaria Merkataritza Batzordean azaltzea. Eta sindikatuek, esplizituki, urriko udalbatzarrean hitza hartzeko asmoa agertu arren, erantzun zien azaroko batzordeetan zerrendatzeko eskaera, zegokion presidenteari bideratuko ziola. Hala urriko udalbatzarrerara eskaerari zegokion gaia ez zen zerrendatu; ez batzordeetan, ez, ondorioz, Udaltzaren, iragarri bezala. Alabaina, azaroko batzordeetan gaia zerrendatu gabe geratu zenez, talde honek kexua agertu zuen Bozeramaile Batzordean eta, behingoz, egin beharreko prozedurei eutsi eta gai-zerrendatik kanpo izan bazen ere, hiriko sindikatu nagusiek eginiko eskaera bideratu zen azaroaren 14ko Pertsonentzako Batzordean.

Beraz, 2016ko azaroaren 14ko Batzordean sindikatuek eginiko azalpenetatik, eta bertan izaniko elkarrizketari zein elkarrizketaren garapenari so eginez, ondorio desberdinak atera ditzakegu:

- Udaleko partaidetza sistemak dituen gabeziak ELA, LAB, CCOO eta UGT sindikatuek Udalbatzan bertan hitza hartzeko eskaera zehatza egin zuten duela ia urte erdia, eta oraindik ez da bideratu. Honek argi utzi du Udal Gobernuak herritarren eta eragileen parte hartzeari eman dakioken espazioa, egun indarrean dagoen prozedurak guztiz baldintzatzen duela eta ez duela bat ere errazten elkarrizketa publiko aktiboa, demokraziaren zutabeetako bat izan arren.

- elkarrizketa aktiboaren eta eraginkorraren falta Udal Gobernuaren aldetik. Hain zuzen ere adibide argia izan baita ELA, LAB, CCOO eta UGT sindikatuek Udalbatzan galdera egiteko eskaera zehatza, iaztik galdezka izan arren gai zehatz bati zegokionean (Turisten Uholde Handiko Zonaldea delakoari buruzko elkarrizketari bide ematea), azaroa bitartean, Udal Gobernuak ez dela gai izan eztabaida bideratzeko, batzordetik pasa ondoren zinegotzi ordezkariarekin biltzeko eguna jarri zutenean eta oraindik ez zaie hitza eman Merkataritza Kontseiluan.

Udal-gobernuaren 2015-2019 Gobernu programak dio *“beste era batera gobernatzeko konpromisoa hartzen dutela, hots... gardenago, irekiago... Eredu berri honek kontuan hartuko duela donostiarren ahotsa, parte-hartzailegoa izan dadin eta komunikatzeko bide berriak izan ditzan.”*. Errealitateak erakutsi du ordea, Udal-gobernuak aurkako noranzkoan jokatzen duela.

Horiek horrela, hauxe da EH Bildu taldeak aurkeztutako

KONTROL MOZIOA:

1.- Udalbatzak hertsatuki eskatzen dio Udal Gobernuari eta Alkateari, Udalbatzaren presidente bezala ere, Herri Partaidetzarako Arau Organikoak xedatutako eskubide eta aukerak baliatuz, aurtengo uztailaren 26an ELA, LAB, CCOO eta UGT sindikatuek eginiko eskaera kontuan izan dezaten, eta, beren eskaerari eutsiz gero, dagokien eskubidea halakotzat hartu eta Turisten Uholde Handiko Zonaldea delakoari buruzko gaia Udalbatzarraren gai-

zerrendan sar dezaten, eta dagokion unean, hitza hartzeko aukera eman diezaieten.

2.- Udalbatzak hertsatuki eskatzen dio Udal-gobernuari Turisten Uholde Handiko Zonaldea delakoari buruzko elkarrizketa pluralari bide eman deiazion, eta ez dezala bere definizioa egin eragileen iritzia, sindikatuena eta Merkataritza Kontseiluko kideena, kontuan izan gabe.

3.- Udalbatzak hertsatuki eskatzen dio Udal-gobernuari aurkez dezala Herritarren Partaidetzarako Arau Organikoaren 18. artikulua egokitzapenerako arautze-proposamen bat, Donostiako hiritar eta elkarte ordezkariek, batzorde zein udalbatzarretan eskaera eta kexak zentzuzko epeetan aurkezteko eta erantzuna jasotzeko eskubide subjektiboa izan dezaten.

Donostian, 2016ko abenduaren 15a

Amaia Almirall Lopez de Luzuriaga
EH Bildu udal taldeko zinegotzia